



Aqqalu C.Jerimiassen
Atassut

UKA 2024/48
15. oktober 2024

Uunga siunnersuut: Piniarneq aallaaniarnerlu pillugit Inatsisartut inatsisaata allanngortinnera pillugu Inatsisartut inatsisaat (Akiliisitsilluni aallaaniarnermik aaqqissuussisartunut najugaqartussaataitanermit piumasagaatip ukiunit marlunnit ukiunut tallimanit sivitsorneqarnera aammalu akuersissutitaarnissamat immikkut akuersinissamat malittarisassat nutarneqarnerat, kiisalu akuersissummik qinnuteqarnermi najugarisaq pillugu uppernarsaatit sukumiinerusumik aalajangersarnerat)

(Aalisarnermut Piniarnermullu Naalakkersuisoq)

Takornariaqarneq inuiqatigiinnut tamanut iluaqutaallunilu iluanaarutaanerpaaffissaminiitsittuarnissaa eqqanaarniagassaraarput.

Atassummiillumi isumagiuaannarparput, kinaluunniit nunaqqaterput sorlermiluunniit namminersortutut inuussutissarsiummiuppat, aqqutissiuunnissaanut oqinnerpaamik inissisimasinnaanissaanik suliaqartuartariaqartugut.

Atassummiit una inatsisissatut allannguut takornariaqarnermut inatsisissap suliarineqarneranut akuuinnartutut isigaarput, taamatuttaarlu nunaqqatitsinnut illersuinerusariaqarnermik siunnerfiliinertut naqissusiinertullu isigalugu.

Nuannaarutigarpullu maanna suleriuseq taanna ingerlanneqartoq, aallaqqaammummi takornariaqarnermut inatsisissaq eqqartorneqaaqqaalermat Atassummiit ernummateqarnerput nangaaqqajaasimanerpullu nassuerutigisareerparput. Ernummatigisinnaasimasattami annersarisimangaluarmassuk inatsisip sukangavallaarsinnaanera, takornariaqarnikkullu ajorseriaataasumik kinguneqaratarsinnaanissaa.

Maannali Atassummiit malugisinnaalluarparput, suliaq ajunngitsup tungaanut suliarineqartoq, namminersortortatsinnullu nunaqqatitsinnut pitsaasumik kinguneqarsinnaasoq.

Akiliisitsilluni piniartitsisarnermi ukiorititaasut aaqqinneqarnerisa saniatigut, piniartitsisarnermi inatsisaasut, soorlu umimmanniartitsisarnermi aattuinermit allakajaanik inatsiseqarneri qasukkaallanneqarsinnaaneri angujumarnerulersinnaanerilu kaammattutigerusunnarpoq naalakkersuisunut.

Inatsisit allannguutaasussat akuersaarlugit, siunnersuut Inuussutissarsiornermut Aatsitassanullu ataatsimiitsitaliamut Atassummiit innersuupparput.